

泊
鷗
山
房
集

泊鷗山房集卷十八

僉稽 陶元藻 晃亭

詩四

遊王氏園林酬梁階平殷撰二首

綠盡茭田路幽通
薛石門花低春就屋
橋暗水分邨射
鴨圓沙外談元老
樹根坨南窮坨北
處處倒清樽
綠垣藏地僻蘭坂
引春深雲木秀殊
狀石泉清有音竹
香圍鳥夢人影過
潭心一縱高樓日
青螺卓遠岑

春雨

剝啄聲稀旅晝長
閒看關蟻過虛廊
窺窗無月憐人瘦

撐屋多書下酒強三篋未添新著述一簑常負舊林塘
杏花紅濕江南路幾輩吟朋印屐忙

望恆嶽

昔聞五嶽狀今見恆山峯橫跨趙代野上應畢昴宮紛
披神草鬱燦爛金泥封元穹隱呼吸奔峭歸太空不辨
雲與石一氣青濛濛蟠根瀚海岸熬戴天無功李白愛
天姥惟夢相追從昌黎不惜墨南山謬稱雄欲挂九節
杖訪彼殷元蹤

烏哺雛

烏哺雛烏哺雛啄來蟲蟻多勤劬常憂風雨吹折木又

燕蛇毒穿其居聽雛無聲守雛睡雛聲啁嘶鳥驚呼樹
頭度日如度歲口角流血毛羽枯烏羽枯雛羽長未忍
離巢兩相向烏雛返哺勤如烏銜食飛飛到枝上人生
毛羽誰養成何獨分飛不能養

鳳凰命

西山竹實香離離東山彩鳳常啼餓鳳凰飛入西山逕
西竹凋零東竹盛翻身欲轉東山阿又虞竹實生於他
鳳兮鳳兮如命何

願遊仙

願遊仙不願騎鶴昇青天但願神仙點石法白石化作

黃金錢黃金錢量以斗百病蠲除五倫厚不食靈芝壽
長久此藥豈應天上有

白紵歌

我有一疋紵組織經十年皎皎如疊雪密理何纏綿洛
陽賈兒多不識低眉汨落疑迸泉人勿顧君勿怒世俗
尚華不尚素勸君歸去改機絲學織斜文五色布

迎神詞

蕉葉黃天雨霜登萬寶厥辰良采芳馨羅酒漿鼓坎坎
擊中塘翁扶幼冠且裳姑攜婦飾明璫巫紛若拜以揚
神之惠不能忘翼我黍千斯倉長我蠶衣滿箱庇我身

壽而康神之來南山下雷爲車雲爲馬

北邙路

北邙山松柏路故鬼迎新新鬼故黃土覆棺棺變土佳
城鬱鬱公侯居墓前碑版須吾徒碑文墨汁猶未燥乞
碑兒已爲人奴兒爲奴隸家爲墟淒涼石馬悲風趨寄
語誰人作碑日及時飲酒辜歡娛

纈絲歎

纈絲纈絲乍出盆催征虎吏早入門吏云賣絲輸我稅
婦云無絲姑不溫吏聲轉厲婦聲苦婦翁抱絲入城去
婦牽姑衣不敢言姑視纈車泪如雨賣絲翁歸意轉歎

今年國課賴婦完巾箱雖空魂夢安一夕騷騷北風起
翁姑僵臥同長歎

傷別離

天涯苦行役中夜常不眠絮輕衣轉重一斗車輪泥年
華日以邁筋力日以疲勿辭風雪厲所傷久別離古人
壯遊多擘畫今人壯遊偏跼蹐古人莫歎今人愚古時
路寬今路窄但教八口噉噉足衣食生不封侯隱亦得
抱甕吟

漢陰城下高賢師事無懷葛天生長灌園家食出入抱
甕山泉鬢腳蕭蕭生雪井頭拚拚經年空愛爲純爲白

誰恤神全道全耳畔鳴榔四起家家水滿瓜田

和于耐圃少司寇圓明園觀競渡原韻

紅榴花外水如藍桂楫蘭橈擁碧潭於越風光逢趙北
汨羅簫鼓憶荆南婆娑神舞魚同立天矯龍行馬共驂
初訝浴遊鳴珮濕還疑吳戰水犀酣章成織女襄經七
湖弄錢塘折有三艾虎影低桃帕映驪珠光近榜人探
翅翔貝闕香雲繞出沒鮫宮水性諧畫楫東西迎綵仗
錦標分合炫晴嵐歡聲齊傍薰風起元氣遙隨大地含
張樂洞庭

王在鎬

海山詩集卷之六
恩波深處樂湛湛

哭貴州學使周少湘

五旬纔富貴六載便銷沈斯世能文少皇天用意深困窮誰念我湖海失知心遼濶牂牁路招魂何處尋

雨中同儲藥坡王鶴書劉耕南于熙載周爰穆胡稗威飲蔡芳三寓齋

我本懶散人苦讀愛休暇良譙蒙招尋柴車便趣駕鬚眉遇舊交敦槃結新社各各騰才名夙重雞林價晉人良可期吐屬多蘊藉應知太史占星聚中郎含蟻戰春風酣爭挽大黃射干佛名經中未識誰稱伯驟雨傾洪

河檐溜鼉鳴夜跳珠滿庭除臨流勝元灞絡繹酒船飛
淋漓兩同瀉數數欲逃禪令嚴難假借僕夫忽走藏圓
潆展安跨出門復入門絕倒城南榭仰見郭外山青螺
浴初罷雲束兜羅綿容容一峯下

高粱橋閒步

木末生煙淺淡存琉璃春水滿橋門便思泛宅浮家去
一住江南水竹邨

彭芝庭少司馬見示遊天台諸什有登華頂峯長
歌一篇真傑作也爰題數語而歸之

昔年從遊鴈宕山懸崖百仞同躋攀今年喜讀天台棗

曲折煙霞事幽討少陵野老客蜀時恨不一作峨嵋詩
永嘉太守賦北固刻畫未盡才人思千年華頂久寂寞
天生巨手來扶持巖巖歷落石並古健筆夭矯盤龍螭
鏗鏘發出金石響鐵如意擊珊瑚枝長安三載幽趣隔
紅塵十丈侵吟髭每聞遊人說山水口角流洙心如癡
曾稽天台通呼吸程途計日匪逶迤平生蠟屐不一到
坐令採藥神仙嗤寫公新詩朗吟諷如聞妙偈寒山師
雲濤汗漫紙上走足所未及神先馳赤城霞光起屋壁
石梁瀑布落酒卮松風忽起鐙幔下丹臺瑤草煙差差

汪庶常輓詩三首

庶常諱致和字飲太江南休寧人也未冠卽舉
於鄉壬申二月余相遇於長安旅邸庶常刻苦
讀書心虛若谷謬以余爲識途之馬時舉疑義
相質問而余亦得藉以討論古人風晨雨夕相
共者二年甲戌余因衣食累奔走於燕南趙北
閒由是稍稍踈濶然偶至京師未嘗不作五日
遊十日飲也庶常旣捷南宮入清華之選益力
學不衰明年余將旋里過都門樂觀庶常近所
著述而庶常已挂帆東下自此相隔者一載今
年夏五余復遊長安庶常亦來就館閣懽然道

故居躬謙退更甚於初夫聚而散散而復聚且
每一相逢其學輒精進數倍訂交之真汲古之
篤殆無踰於庶常者嗚呼今死矣余蓋惜其才
悲其志而尤深痛夫吉人之無後也爰賦三章
用申一慟云

感我天涯老客星忘年朋舊忽飄零傷心有婦能爲誅
庶常婦係于小謝
編修之女工文翰回首無兒可授經如此早凋真草草

那堪長寐竟冥冥新安歸路三千里撩亂寒山雨外青
方知李賀是前身天忌才名意太真照室青鐙垂死夜
倚牀紅粉未亡人

謂庶常
侍妾也

蒼黃醫昧三焦病顛倒書留

一架塵聞道少年科第好九泉何處慰雙親

門巷蕭蕭長薜蘿我來重作輓君歌脫驂舊館知交少
聽笛山陽灑淚多華表幾時聞鶴語夢魂終古繞鸞坡
離亭一帶無情柳相送陳人到潞河

雪中柬王中書穀原

一月不見王舍人使我曾次來俗塵風吹雪花大如掌
索居彌念他山鄰紙窗空明清到骨含毫作賦僵吟唇
未持寸鐵思白戰指頭戛戛生鮮新西山雪霽稜角出
奇峯晃朗眉閒陳牆垣老樹玉刻劃山齋圖畫皆天真
爐頭煨芋香可掬惜無斗酒澆冬晨舍人肯遵寒夜例

當排茶具邀嘉賓

襍咏二十首

岷山肇江源其細可泛觴東流閱千里波濶聲泱泱吳
蜀資灌漑楚蜀通舟航魚龍以爲宅氣吞瀟與湘誰從
在山日識彼功用長

塵世有長生彭鏗不余避神仙如可求蓬萊無隙地銅
盤露未乾珠旒奄泉裏羲和馭日行一去不廻轡達哉
莊生言蜉蝣本如寄何不招杜康銜杯恣游戲

大秦有神獸騰躍風雲蹄一吼僵虎兕搏象如縛雞驚
世不在力氣盛物自驚八公疑草木晉兵復可奇昌黎

起八代曾次凌虹霓疇無浩然質涵養崇其基

敦槃會珠玉海內如星羅集益洵宜廣得用豈在多頑
石能觸趾習井偏生波淒淒陰雨詩懟怨其如何人無
信陵識博徒難切磋

崇善如累牆失足如決塘層累猶未峻一決成汪洋托
始戒欹側既晚畱芬芳蹈義良可貴惟謙罔不臧緬彼
焦孝然防口占括囊

眞率有本性矯飾慚虛聲君子樹明德所信在平生醇
酒飲將帥洞鑒羊公城酣臥婦人右旨哉阮步兵

髭鬚愛詩書人事輒屏謝漢唐兀建標思挽大黃射援

翰若抽絲味道疑觸麝綆短汲正深人賢我勿暇勉旃
復勉旃大田自多稼

昔我來京華庭樹低拂轅今我久淹滯喬柯不可攀日
月如轉燭無力回天慳遊子在天涯不如雲出山舒卷
潭自得須臾隨風還

心源匪廢井形骸匪枯桑修名懼不立憂思摧肝腸天
門開詆宕北極居中央三台紛藻衛列宿排文昌欲謁
天無梯尺咫逢相望人生不特達何以成珪璋論道江
都相樹續汾陽王

幼佩宣尼訓裹足戒遠遊胡爲辭北堂驅車廣周流定

白日以曠白髮日以稠
棒檟漢毛義負米魯仲由硯田
不盈尺耕耨嗟薄收半職可爲養
五斗寧辭羞往復南陔篇悠悠我心憂

春園產嘉樹花萼相輝輝
根柢兩盤結接葉和風吹無端
各遷徙形影難追隨一傍南山址
一寄北山隈白雲隔天末
鴿原愴孤飛臨行訂歸期
歸期又乖違

池岸雙鴛鴦飛飛上機錦
五色一何鮮裁爲合歡枕分
手別河梁寒篝照孤寢蕭蕭班馬鳴
颺颺朔風凜感君
繼繼言三歲佩衣袵明月千里同
清光共君飲

龍門司馬公撰述管晏事畧彼霸顯功鄭重談友誼秋

天無厚雲華屋棄敝筍江河日下趨伊誰識古意

汲水剖文鯉尺素情具陳借問寄者誰同學山中人言
念久行役關河多苦辛知心昔所貴泪下沾衣巾藏之
篋筍內恐侵梁上塵一日出三復墨脫意自新相期類
僑札皓首以爲鄰

靡靡躑躅花鬱鬱冬青樹華表高際雲云是前王墓金
鐙內輝煌重門闕煙霧閨厄天爲殃樵牧照狐兔火入
寶衣焚傷心及行路石馬豈知哀翁仲不敢怒

圍棋賭別墅銅雀鑄高臺冠蓋鬱相望紅粧奉金疊清
歌一何響揮袂浮雲開瀾瀾清漳水東流不復回九九

東山木牛羊時下來碎瓦不可得薔薇變蒿萊賢奸同一盡歎息增酸哀

孟冬氣蕭條力疾事幽討苦乏大藥資何由濯枯槁徒行非舍車蔬食豈畏飽夏蟲語冰難塞鴈識寒早未曾別離那知骨肉好寄語田舍翁征人易爲老

東南涵大海百川臨滔滔未知誰䟽淪千古波不高抱虛無壅滯善受斯并包端木學多識一貫聖所招孔文不恥問令德終見褒行潦輒自滿跼蹐非人豪

鄧生年二十簪紱榮東都采薪朱翁子老大歌山隅雨膏均萬彙扶翼須農夫寧爲櫪閒驥毋爲轅下駒明珠

恥暗投待賈心踟躕

昔有彭澤令家蓄無絃琴頽然一槁木次第徽黃金問
君何不彈聲寂趣在心處士良蘊藉孤抱安追尋若敎
琴有絃清音向誰宣

聞馬十三湘靈寓居揚州寄此代柬

一髮遙山到眼青伊人南望惜飄零雷塘草長無螢火
板渚天高有客星老去漫扶追日杖閒來好訂種魚經
論文往事渾如昨指點歸雲過敬亭

四雨詩全張鷟洲侍御賦詩中禁用本題字

竹雨

樓樓薰水出湘潭芳氣細組酒共酣暮院涼時青汗滴
濕陰濃處翠筠含撒鹽響細渾疑雪食葉聲麤偏似蠶
一幅管夫人畫稿未乾墨汁寄江南

蕉雨

綠天深處忽聞聲書卷欹斜玉露傾銀豆亂拋知幾斛
銅壺齊滴到三更離人枕畔心俱碎思婦樓頭夢不成
磨洗塵埃青照眼待吟詩句寫新晴

荻雨

聽入芳洲破寂寥非煙非霧接平橋綢繆蟹斲魚罾密
汗漫茶檣酒艇遙濕到蘆花同漠漠寒隨木葉下蕭蕭

夕陽還照彭城草付與劉郎夜讀燒

松雨

百尺根株帶溜長枝柯含潤益清蒼濛濛細葉鍼縫霧
纍纍寒花粉褪香雲氣淋漓新面目龍鱗淘洗舊風霜
分明翠擁兼天勢滿樹濤聲接淼茫

重過王氏園林

乘興寧辭遠看雲直到秋曾攀巖北桂仍上水西樓繫
馬花衝帽奴魚荻礙舟忘機鷗鷺狎款款立沙頭
橐駝能種樹數見豈無緣葉厚初埋屐松長忽過肩歸
雲低鶴若落日滿菱田尋到題名處苔花映字偏

寄懷家兄菊坡

長貧骨相影同癯
燕北淮南鴈影孤
娛老何人依母氏
傳經無計慰諸雛
關山兄弟音偏阻
桑梓田園旱更蕪
清潁亭邊舊遊處
與誰煙艇泛菰蒲

愚庵擊鉢短長吟
湖水湖煙付夢尋
半世鬚眉輸斗祿
十年風雨惜分陰
思鄉幾讀閒居賦
愛日空懸捧檄心
黃葉聲中門獨掩
自挑鐙炮到更深

題仇英漢宮春曉圖

玉階露重梨花墮
未央鐘吼龍樓左
扶桑赤氣射蓬萊
金啓歲粧六宮鎖
美人睡醒春恨長
鸚鵡窺簾喚曉粧

香添寶鴨熏羅襪被亂文鴛擁象床脂箱黛枕騰濃薛
銀梳多比長楊笏齊拭軒轅十二銅芙蓉影入團團月
婕妤裳織魚鱗勻昭儀又束畱仙裙石花廣袖爭新樣
朱鳥弓鞋厭舊聞簾捲蝦鬚各相見辟寒釵鳳驚風顛
宿粉拋殘膩不流御溝一疋吳門練趙家姊妹起更遲
承恩昨夜增嬌癡合歡枕畔盟山海只有雕梁燕子知
燕子銜泥度高閣斜衝畫架荼蘼落柳絲煙殢起仍眠
絆住秋千綵繩索曲逕迴廊霧氣清明霞映處有人行
亭亭簪執無雙女恰恰鶯啼第一聲問寢璇官玉墀步
傳宣又入昭陽樹天子親頒西域香中官敕賜銅盤露

駝峯魚鱸來天廚縱橫鉅盒鋪璫璫才人貴人分上膳
椒房更進黃封麝明光宮裏歌喉疊太液池頭舞衣濕
玉搔頭上罍游絲金步搖前颺蝴蝶君王含笑醉顏酡
紈扇秦鸞影夏摩華花深塢胭脂亂鬪草文茵纓絡多
尋花鬪草何時罷晨光特重千金價紫羅囊挂刺桐梢
紅桃帕拾闌干下石馬蕭蕭失漢陵畫圖猶見五雲層
可憐蘭麝生束絹多少蛾眉喚欲磨

憶家園四首

求名不若灌園尊麋鹿心情我尚存鷗語遠隨煙外櫓
酒旗斜矗水邊邨白沙田穴通潮氣紅樹山根識縣門

北里南鄰小兒女夕陽籬落數雞豚

魚竿拋卻鑑湖濱博得青鞵兩足塵獻賦揚雄先得路
登樓王粲尚依人聊支竹屋堆吟稿難乞雲山置病身
秋盡庭柯太蕭索幾時濃翠看生春

桑乾河北水潺潺錦鯉遙傳尺素還酒黍提攜思舊社
松楸灑掃感青山非無栗里能容膝恥向夷門學抱關
一領征衫慈母線淚痕猶帶別時斑

半邨半郭舊亭臺兩版衡門竹裏開蟹齏密依寒澹轉
蘆花明過小橋來譚詩蘿席逢秦系說偈松風有辨才
正是去年黃葉下山陰卻掉酒船迴

題俞翊唐白蓮

淡墨描成太液蓮
箇中清味有誰憐
分明一片淩波影
腸斷陳王賦洛川

送于魯川孝廉之楚并簡陳紫山學使

楚江江流清
見底夏口羣峯雪
初洗春風吹入呂蒙城
岸樹微茫綠如薺
山川雖美路阻修
天末迢迢碧雲遞
柳絲未許挽離旌
杯酒當歌送京邸
西清學士陳孔璋
手持鐵網臨滄浪
知音同辨宮與商
寒窗辛苦昔備嘗
毋教江漢遺珠光

郊行

疎懶原成癖時耽郭外遊青山離合雨紅樹淺深秋仄
逕逢人少廻塘得寺幽思分數弓地一置讀書樓

四月四日讌集王氏園林時在坐者則有元和沈
時茂施文燾朱照臨海秦錫淳甘泉李城武進
楊奩管輅溧陽陳崑源仁和陸宗桓陸永燾儀
徵卞元文奉賢錢學詩崇明施有煥青田陳開
基大興金克敬長洲蔣學文吳縣盛張倫婁縣
吳光裕陽湖楊嘉會楊璽金壇于堯臣于養性
王溱曹士鳳無錫王龍見同邑梁煜爰成五十
二韻以紀其盛

驢車南西門天空境寥廓夾岸綠楊林風景頗不惡溝
塍翼良苗晴翠映田鋤茆舍三五家炊煙生漠漠言投
輞川莊竹樹影參錯雖非偉川原亦成小邱壑尋逕得
崎嶇當面起巉嶠如羸秦氏鞭如夏禹王鑿崩崖松亞
撐墮石草帶絡一片明玻瓈襍以芳洲若東西鷗鷺邨
欹斜架畧約舴艋小於梭可泛亦可泊把釣少綸竿欲
試徒躍躍旣登仲宣樓復眺子雲閣臺傳柱下經亭放
孤山鶴敗壁蟠女蘿虛階墜粉籀茗煮折足鐺花甕垂
罍幕胡不錫嘉名天真厭糟粕胡不施丹黃野趣存樸
畧未聞叫峽猿時有銜環雀桐孫短娑娑楓人健拏攫

朱櫻熟可吞青梅細難嚼靈藤綠秀條深淺發紅萼一
一聳雲鬟倒挂珠瓔珞維彼敦槃朋來赴煙霞約冠蓋
流光輝禽魚破寂寞鋪茵石髮靡繫馬林花落譚心動
慨慷論古學渾噩縱無風中琴已得池上酌荀蕨羅踈
踈觥籌持各各舞蔗經數交爭博窮六著投壺矢鏃鏘
挾彈鶯錯愕澈流復枕流煙雲互酬酢鄒枚分後先王
裴競陵燦睥睨昔英賢安知鄴與洛余家舊草堂隙地
數弓拓青排石幾拳翠竹閒紅藥襟帶龜山湖波平面
疑削種魚一千頭衣食租稅託柔櫓咿啞鳴依稀夢日
昨書劒滯京華苦受塵束縛得此一夕遊權抵兩年樂

狂飈從東來雨勢鬱雲脚四月生涼秋特帶菱絲弱煙
波轉渺茫林氣遠磅礴滿帳瀟湘圖天教阿誰作泥污
阮屐溜寒偏羊裙薄筆石汗沾蘇綸巾角折郭逃禪先
走藏砥柱何敢御賈勇張吾軍鯨吸無算爵欲別重脚
躡如鳥足繫繳記取藕花開再啓柴扉鑰

和半園閣學酬李于亭牙簡原韻

家多象笏與牙符又得鄒枚八面觚好共尋章兼摘句
不嫌東抹復西塗溫如良玉堪爲佩瑩甚寒銅可鏡鬚
一片故人情意重贈遺還勝海南珠

家主事東溟先生移居

乾坤放眼皆吾廬轉蓬何必成根株長安第宅等傳舍
彼出此入踪模糊閒曹如水家計少但餘筍束蠅頭書
青氈舊物不忍棄裹卻幾隊紅蟬魚烏皮几小鐺折足
一肩先付漁童奴家人入口老復穉分明繪出移家圖
與誰歌斯樂湫隘請鄰祭竈良非迂支頤看山樓一角
華門尚可容柴車毋嫌偏仄復偏仄斗升俸米差償租

夏閨詩四首和梁階平殿撰

屏繞琉璃照影踈鮫綃一桁盡華裾聲迴蕉雨新涼後
香膩蘭湯晚浴初鳳脰背牀人旖旎蝦鬚掩幌夜清虛
吳宮西子風流甚消夏灣中那得如

羅襪舞塵步畫廊新詞閒賦滿庭芳荷盤綠颭靴紋水
橋火紅過亞字牆蛺蝶有情窺粉額蜻蜓隨意立釵梁
殘棋一局桐陰下笑問卿卿若箇強

侍兒無袖不羅紈香汗風吹氣聚蘭涼草翠分眉暈淺
玉魚紅惹口脂寒仙姬七醺參瓜圃神女三漿勝露盤
炯炯冰山小天姥幾重秋到畫闌干

水晶簾底度流年蟬翼輕紗骨欲仙倦繡任教鸚鵡罵
懶粧應被佛桑憐簾鋪象齒波同皺扇舉龍皮月共圓
好弄沙棠書畫舫藕花深處事紅牋

簡俞春洲

竹屋一鐙青風窗紙掀簾忽念磬湖人謀生拙如我冬
烘兩先生講分南北座著書疊幾箱額手遙相賀坡陀
紫陽山擊鉢會廣和茶鐺試松風掃葉秋根坐亂石三
五拳踈篁百千箇方塘寂無聲水浸殘星大捫蝨談古
今月闌不知臥挂帆浙西行霜篷石門過題襟水次分
形影遂相左諸昆接鄉書屢訊勞珠唾未曾報一言捉
筆吾真情涉世坎坷深豪氣幾磨挫男兒可憐蟲漁獵
經生課甘同原憲貧羞作翳桑餓堂堂歲月流誰云蟻
旋磨訪友黃金臺塵點青袍漉求君澹宕人岳岳真奇
貨重逢尙無期那得愁城破昨夢錫山梅吟笈疲驢馱

贈維揚李于亭

前年挂席經雷塘，繞城絲管聲悠揚。
雪花戎戎大於掌，恨不一上平山堂。
春明市前車輻輳，忽聞仙李來南方。
倒屣相迎喜相識，昂藏七尺鬚眉蒼。
竹閒茶具逢陸羽，柳陰鍛竈歸嵇康。
酒酣耳熱論今古，舌閒作作生英芒。
我本雲門舊行腳，打包暫息燕山陽。
漢書一束鴟貯酒，蕭齋十笏龜支床。
長門有賦錢不值，作字聊換蘇家羊。
李君知我有詩癖，索書便得八九行。
瞻麤手硬律度素，襍拉長句無宮商。
他日搜奇上禹穴，期剝菱茨湘湖旁。
烏篷船底作晚飯，半川紅樹鱸魚香。

泊鷗山房集卷十九

會稽 陶元藻 鳧亭

詩五

遊盤山千佛寺

白雲路坡陀淨土良可跂閃閃泉自奔齒齒石何利罅
衣薜荔隨側帽松枝避數里峯迴翔旃檀送香氣木末
見秋痕潭心悅禪意午晌僧廚芳瓜果襍酒糟煮沙悟
前因說餅解真味動搖青雲根突兀表神異剗除罣礙
心應知點頭易寺後有動搖石高廣約三丈許數十人
撼之不能動一人猝然推之便搖動不
休徒留千佛名阿羅幾曾備無色不成空今古同一棄

拂拭頭陀碑流覽伽藍記眉山老布衣李匪巢由裏謂李
錯隱盤栖栖欲何爲山靈笑車騎九瓣青蓮花中有上
山也乘義

題李書雲廷尉詩冊後

白頭廷尉邦江儒曾持諫草黃扉趨老去歸田發吟咏
齒牙灑沃松風疎庚庚字格道且媚青琅玕映紅珊瑚
騎箕白雲招不返取畱封禪訶相如李邕生前好臂指
臨摹渙散無完書文孫碧摩天性擘殘鱗片羽工爬梳
衍波無塵墨未脫中有精氣龍盤紆香囊小冊飾以錦
枕函若秘壺公符西京子弟推四姓守財醜虜空睢盱

父書在牀多勿讀誰知繩武授蟲魚不寶黃金寶手澤
碧摩何替人何愚我懷洛社踪模糊清辭三復眉眼舒
舌根慧業參文殊道成圓寂良非虛書中三昧我未徹
譚詩結習焉能除白墮微妙不得見猶得觀此二百三
十八粒牟尼珠

廷尉通內典
喜談禪故云

寓齋夜坐偶作七言一首寄懷家兄菊坡

聲高擊柝長安街青熒微火懸小齋寒灰在爐月在牖
朔風騷屑吹枯槐離羣索居吾已久聊從古籍求朋儕
蠅頭細錄班固史生花老眼勤摩揩硯凹鱗鱗作新凍
以口呵墨色未諧掩書忽憶昔年事弟兄問字肩相挨

文種山房讀易處藤花照幙垂丹崖釣絲同拂董家沼
魚苗穿荇纖於釵西冷橋左葛仙嶺茶燒品字僧寮柴
彈碁射覆隨意遣步松刻燭催詩牌吟成往往浮大白
梨花馥郁傾如淮九溪十八澗幽絕三春踏破雙青鞋
少年安樂人世少天公不許形常偕負郭無田供菽水
重陽偏有催租差爲他人作嫁衣去風餐雪虐天之涯
江淮潁泗河與洛陸機犬隔音書乖黃金不受貧士役
文窮屢躓風雲階年來進退數維谷支離蹇命誰安排
吳閭風月勝燕市且沽醕酹酬形骸曰歸曰歸無羽翼
側身南望難爲懷

李于亭兩試京兆不遇將歸維揚作此贈行

明星客東指相送出遠郊嚴霜凌馬走野濶風瀟瀟朝
發蘆溝岸暮抵聖水橋孤鐙見茆舍黃葉封塘坳冰鬚
熨袖絮繭足沾車膏三載摩兩敵兩戰棄甲逃雖蒙英
達鑒還恐庸愚嘲踽踽行獨瘁咄咄書空勞君歸告儕
輩鉛槧不可操天多哀志士古語非今謠

廣平道中得梁瑤峯殿撰來札知其近狀爰寄一

篇酬以慰之

玉堂雲霧窗

用山谷句

下筆輒驚眾僦居梅邨居積卷亦充

棟七載官不調四壁窮難送膝下寧馨兒清聲類老鳳

風雨萎芝蘭西河有餘痛君本瑚璉材廊廟終倚重母
爲煩憂牽暢飲聊自縱我今河朔遊溽暑滿塵鞋借枝
難蔭廬淺汲豈盈甕徒倚梅花亭言尋廣平宋題詩到
竹林脫稿人已誦故人難與遊千里明月共

題朱璧驪山避暑圖卷後

丹崖翠巘雲鈎連芝叢鹿伏蘿猿攀芭蕉樹綠藤蕊紫
黃鸝百嚙珠吭圓郭公謝豹秦吉了古度平仲沙羅綿
羽毛柯葉色萬狀中有精氣相糾纏虹橋蜿蜒螭刻柱
迴風轉壑吹靈泉金盆瑟瑟不計斗華清突出驪山巔
煙霞窟中雙闕起巖花紅滴銅駝肩蜂房複疊高復下

天工結構神雕鐫鴛鴦繡瓦參錯映魚鱗積磴青霄懸
十步五步樓帶閣九苞鳳翅簷牙鸞踈櫺橫斜壁帶直
棗花方勝玲瓏編中央知是太真室瑤屏照耀金鋪聯
玉鈎瑩瑩寶蒜碧水晶簾捲香爐煙冰綃霧縠帷帳備
流黃漢簟紋迴旋君王親傍貴妃坐飄然姑射來神仙
後有婕妤雙寶曆龍皮搖動風翩翩左閒一女如鶴立
唾壺擎玉麗且嬛昭儀掌舒妃就口玉魚吐熱胭脂鮮
右列四嬪各拱執茗甌蠅拂巾櫛便一捧荔支一乳酪
逡巡跪獻未敢前迴廊更出十數婢兒昇兜錦攢翠鈿
膨脝豕腹形逼肖中藏蛇蝎烏能傳君王欲買妃子笑

洗兒敕賜黃金錢琉璃屏風隔日色炎官雖赫來無緣
冰山森寒雪檻慄猶滋香汗疑龍涎梅妃寂寞忘冷煖
妖邪登膝貞墮淵諸姨窈窕秦與虢平明粧罷馳彩輦
玉環氣矜心更巧寵歸一姓君情堅離宮別院三十六
蛾眉蟬鬢復幾千牀前釵下恩幸絕強爲歡笑相俄延
鋪茵好作鸛鴒舞猩猩血染氍毹妍芙蓉畫袴分隊繞
步搖玉落簪髻鬋藕絲裙輕羅襪薄桐陰飛出雙秋千
或圍圍棋就竹嶼或操畫機探池蓮或倚勾欄照溪水
綸竿釣得槎頭鱖或當蘭窗工刺繡微芒鍼孔細可穿
樽樽總總饒變態羅紈蔽體俱踟躕夫差有澤五百里

美人消夏花滿船
強兵詭計來自越
館娃宮廢犁爲田
九成避暑臣諫切
華清行樂恣自專
姚崇退老宋璟死
抗辭宰相無其賢
亞字牆東翠樓起
御書花萼輝棟椽
八窗洞開嵐影入
橫軒夏木間鳴蟬
寧王吹笛薛王飲
壽王白服觀青天
招涼水珠中禁賜
冷蛇盤肘時連蜷
浮瓜沈李誇鄴下
松巖謾謾掀衣綬
申岐雨落盡龍種
入門齊指珊瑚鞭
高麗赤鷹鐵觜巨
北山黃鵠肩類鳶
繫絲畫架復聳臂
要從天子親遊畋
九重友愛真罕匹
金柯玉葉情殷拳
如何好色逾好德
坐令白壁塗腥羶
長生齋宮龕宇鬱
坤方奠位厥面乾
青鴛鴦繡佛散花
女

晚涼帝后將參禪羅公遠具大神力金剛三藏袈裟薦
朝元閣峻下䟽達碧槐垂蔭乳竇涓翡翠書床鱗角筆
烏皮小几浮金荃承恩只有李供奉頻呼草詔黃麻箋
奇峯似雲雲似岫揮毫頃刻成奇篇飛霜殿東繡嶺北
梨園弟子張綺筵紫瓊簫長香撥細迎娘頰並蠻兒顰
皇家貴主能顧曲天才罨颯尤精妍黃繡綽拍紅象板
龜年復按琵琶絃不奏南薰奏水調妄思七政平璣璿
夾城峨峨翼翼馳道瑤光俯視周廣埏公孫劒器看已倦
時馴盒獸觀輕儇昨歲君王好鬪雞雞坊灑掃溽氣捐
今年君王好舞象象房宏敞陽無愆炎蒸三伏蘊隆候

渭南農背憂燁燁宮中蠶物邀雨露痒摩憩飲無拘寧
歲製別鎖九大廈守龜此寶疑中填堂皇神庫呵禁密
金錢化蝶穿屋楊尚方膳地室稍淺磨刀霍霍向牲牲
紫駝峯襍元豹髓鱸魴鯉鯉鱖鱖魚堯廚豈必生脯簋
色香味美形神全無足之釜有足鼎漢京玉按周時籩
銀槎冷注碧芳酒平原竹滌誇後先黃門官奴更無事
雞毬撲撲騰苔磚榜蒲雙陸姑谷口重丸彈鴨笑中舩
噴岢戲逐健如犢以踵相接忘危顛穉者扶攜壯者導
鬚髯老監坐筍篴殿前獨步高力士腰橫長劒犀帶偏
公卿俯揖不舉手科頭睥睨神夷然宦官威儀尚如虎

漫議楊氏移朝權羽林士衛山內外琬戈銀甲流蘇韉
太平金湯日正永垂楊繫馬藉草眠鹵簿勿陳儀仗肅
珠旂八鳳雲爲旂黃龍盤紆豹尾靜天機錦繡圍山川
我聞當年宮妃建餘材吐棄多枏榎班輪築就石窰寺
浮圖方丈分星躔清涼界裏塵不到能教火宅生淪漣
回頭玉殿山更好有情誰肯輕播遷驕兒辭陛知幾載
漁陽鼙鼓聲喧闐侵膚暑氣遣易去養癰一潰何時痊
巖巖蜀棧翠華度憂如六月眠鍼氈絕代佳人捐馬足
錦袍零落憑誰憐霓裳羽衣仙響歇雨淋鈴咽空山鵲
崑山畫師真妙手馬嵬遺蹟惜未宣初何隆赫後何憊

宜爾鑑開蒙顓從來福兮禍所倚寒心卽在承平年
白頭宮人言不盡故將粉本畱眞詮上皇歸來苑樹古
隴山鸚鵡猶思還方士那知宮闕麗香魂錯認蓬萊邊
溫泉一十有八所湯稱第二椒房滿頗黎碑搖鳧鴈影
月明環珮來嬋娟

過邯鄲盧生祠

荒驛古邯鄲青山繞寒騎自笑夢中人黃粱熟猶未

趙宮祠

明波如鏡入宮牆幾折紅欄倚曉粧一自照眉人去後
垂楊憔悴覆寒塘

送周藍坡學士奉使祭告江源西嶽

昭報神房典禮優承宣威重兩雄州天分井絡成都水
靈擘蓮花太白秋蜀棧遠隨星旆轉秦雲低拂使槎流
何如西域張騫續早晚看封博望侯

古城影

灼灼花入鏡臺明明月落酒杯古城有影空徘徊香車
寶馬馳絡繹朱甍大戶凌雲開須臾化作紫煙去淒涼
狐兔平岡來蜃樓海市互明滅繁華劫自何年灰古城
隱現今城境今城人看古城影轉瞬今城卽古城只恐
今城人未省

清潭渡

清潭渡銅雀高臺入煙霧不見分香賣履人西陵樹下
風吹雨

叢臺曲

武靈王眞豪華層層臺榭鬱紫霞臺下武夫衣是錦臺
上美人顏如花夜闌作歌鐙繞屋羹進駝蹄蟻浮綠沙
邱雀穀探易窮不信宮廚富梁肉昔瞻瓦縫鴛多於圃
中玉今看匝地萊祇有村童牧君莫哭君不見漢家離
宮三十六

採桑陌

羅敷女兒年十七鬢如春雲面如雪羅襪無塵帶芳澤
皓腕提筐採桑陌採桑陌淺且深磨笄石在桑陰馬首
南來幸南去使君嗷嗷安用心養我八繭蠶織我雙鴛
衾璘藉捲碧葦踟躕擲黃金妖冶不足賞貞芳良可欽

救邯鄲

長平碎瓦苔花繡邯鄲又困熊羆守魏軍楚軍不敢救
李同虞卿空左右公子翩翩報國難經綸獨賴閨中秀
分功能致三千英一紙書招八萬兵趙家羞殺夫人城
尊上客

三年門下無人聞偕行十九徒紛紛先生不能先生上

銅盤歆血誰之勲定從歸來尊上客教人卻重平原君
平原華表長松裏千載黃泉呼不起

回車巷

風蕭蕭回車巷相如何怯頗何壯能叱秦王抱璧歸分
明同列無能抗負荆請罪辱自招廉頗何下藺何高張
陳列頸忽成敵藺廉列頸終如膠回車巷風蕭蕭

于熙載初赴山西卻寄

西望征人驛路長轉蓬心蹟兩蒼茫河聲風駕來壺口
馬足雲驅入太行紵縞情追交道古關山身恃酒兵強
接門關外思鄉句自界烏絲寫硬黃

懷朱曉園觀察山左

燒鐙三載共京畿一別河梁入夢稀問俗始知驄馬貴
收書不惜俸錢微山中漢禪餘芝檢海上齊雲曳絳衣
那得春風同載酒城西趵突看珠璣

過真定天寧閣觀大佛

天寧高閣凌碧虛崇基手闢開寶初中有七十三尺佛
日月照耀銅肌膚口眼鼻舌身俱備陰陽造化宣洪爐
浮漚天地空卽色作者誠智燬豈愚在郊在郭本無着
功歸藝祖垂鴻圖金身丈六肇西土何來變相驚庸夫
詩人偶脫塵海劫獨騎瘦馬城南隅菱田過雨綠到寺

功德水滿潭龍蘇山門陰襍今古樹鳴蟬入耳涼風徐
焚香頂禮淨明界雲旛掩映牟尼珠闌干紆迴梯百級
巡簷繞柱心踟躕閱元明朝及千載天花彌漫尻雕鋪
君不見滹沱之水罔象居有時橫嚙民膏腴不衛社稷
銅且臭祇園安貴蹢躅軀慈悲六道或有諸願以千手
相持扶

城西小築王介子侍講憩息處也其僚友旣爲之
圖畫勝槩復索余詩因賦七言以贈

高齋十笏西方兌亞字低牆薜蘿蓋苔衣深淺綠到廊
蘆簾花映蕭疎最羸秦未火書幾堆脈望逡巡走壁帶

筆床茶竈縱橫陳詩酒敦槃時一會作賦常聞金石聲
清音更出山水外午橋梓澤銅駝顧當日煙霞阿誰主
三椽聊且膝堪容爭似烏衣巷中路鵝溪東絹畫作圖
籬舍蒼茫入煙霧莊周秋水多寓言無絃自識琴中趣
年來吾亦愛吾廬北郭斜穿百餘步黃梅雨過客枕涼
夢到柴門夕陽樹瑯琊學士吟興長峻嶒秀骨摩陳倉
我從城西閒駐屐渾疑身入藍田莊桐陰滿院日卓午
令人六月生清涼紅塵知隔幾萬里坐銷半炷波斯香
愧無東坡冰雪句爲君一賦清虛堂

過趙北口

千頃玻璃馬首明
裙腰堤綠水雲橫
好尋射鴨採魚事
頓想浮家泛宅行
野店酒旗融雪煖
離宮花氣入春晴
五年不鼓滄江舵
一駐紅橋聽水聲

經九河故道

冀北堯封在燕南
禹跡荒河聲歸碣石
海氣薄漁陽
疏導謀誠遠
銷沈利豈長
淮揚時泛濫
憑眺感滄桑

途次偶成

風霜天地濶
馬首向蒼茫
遠道有時到
故鄉何日忘
家貧爲客早
遇晚戀書長
總爲儒冠悞
年年役四方

寓任邱旅舍懷家兄

征輪碾入鄭州冰料峭春寒別後增山色笑人無挂笏
蠹魚隨我老行滕夢回舊館池邊草風颭孤村雪下鐙
二十四番花信裏與誰同醉酒如澗

冰床聯句

嚴冬澤腹堅冰床用伊始擬車偏無輪元類舟不濡水

難留滑似酥章疾去流如矢縱勞絲纜牽元何藉風帆

使聽疑竊笑狐章臥僵冀得鯉走騎陋溲沱元褰裳異

漈洧涉川險無驚章入坎坦可履行時毛骨森元坐底

波濤死章未及歲寒日詎識利用技浮沈兩無跡元輕

重俱可恃章致遠寧恐泥於止知所止元

送魏夏初下第歸里

霹靂夜闌月倒趨列缺閃燄搖星樞筆端垂下羊鬚珠
以手捫之牟尼俱元精百鍊吳昆吾文奇萬狀膽所扶
誰能爲此魏夏初春王正月投上都肉飛骨騰張虎鬚
文昌六匡一氣噓通經莫救干支輪鐵網漏失紅珊瑚
行如跛鼃足不舒南宮羣鬼爭抑揄賣衣買車歸故廬
打毬毬去神焦枯爲浮大白澆怒餘擊筑驚墮屋角鳥
河梁五字李與蘇來朝走馬城南途高高月白霜天孤
酸風射眸眸子癯荒村茅店燈模糊四明山陞南海隅
不信涸死吞舟魚一蹶勿振爲天愚願君重鸞百石弧

撞鐘伐鼓建大旗張吾軍今作前驅浙東豪氣無時無
終看姓氏題浮圖

梁編修山舟於臘八日懸初祖達摩像設粥作供
出五古見示因與謝編修金圃陳舍人寶所各
賦一篇

我本行腳僧一瓶兼一鉢走入軟紅塵俗緣難擺脫昨
過翻襪庵心界稍開撥仰見人天師當頭悟棒喝去年
臘八日作文送五窮今年臘八日頭腦仍冬烘那得功
德水洗我煩惱習浴佛佛不死浴人誼無功恆河沙數
米糞糜糞冲融以茲作清供禮拜空堂中宛然諸苾芻

伊蒲飯珠官參彼玉版師禪悅東坡翁東京泣銅駝古
寺盡飄瓦誰將啜粥風傳之燕山下隨俗聊爾爾有着
便虛假解事須解人非壇亦非社

正月十三日胡穉威周爰穆過訪卽畱小飲各賦
一律分韻得師字

舊雨相逢醉莫辭春來忘卻鬢成絲曾搜奇字爭文伯
廚爨勞薪屬餅師阮屐蠟成將雪夜唐花吟到試鐙時
還期燕九城南去同訪洪喬載酒卮

盤古塚

一氣鴻濛中無端闢昏曉遂失混沌形萬物徒擾擾終

始兩蒼茫步算近幽眇爲問厥初民乾坤幾時了吾鄉
葬夏禹窆穴迷其真况茲一抔土時駕天皇春上古不
封樹骨與溝壑鄰伊誰築馬鬣千載欺愚民僉曰有斯
塚我疑無其人

少司馬彭芝庭先生乞養歸里有懷二首

脫卻朝衫世事疎杜門潘岳賦閒居料知微雨新晴下
檢點鶯花奉板輿

滄浪亭外水淪漣清繞歸人別業邊盡日支頤看山處
綠蕪紅藥小平泉

弔河閒獻王墓

月出青楓林平岡走狐兔誰攜麥飯盂浣此草頭露淮
南好神仙雞犬無死處汲古河閒王荒塚有餘慕毛公
三百篇精蘊發豪素幣聘不下交書生老菜圖憐才唯
古人長夜偏弗寤回首日華宮蒼蒼沒煙霧

訪董江都讀書處

驅車過東邨荆榛森以束人傳董生居殘碑映新綠惜
哉稱大儒德優業不足坐使漢武才終身困多愁治國
用春秋說災類巫卜雖佐子都功還貽眚孟尋煌煌天
人策大言振頽俗向使早窺園何由筭其腹涼月海上
生松風動春服惆悵下帷人懸鐙何處讀

寒食有感

簾旌小雨撲吟牋
活火茶鐺不禁煙
燕趙素多感慨士
弟兄偏住別離天
他鄉有客逢寒食
先壠無兒挂紙錢
輸與歸飛春社燕
銜花依舊過東田

謁范文貞公祠

諱景文懷宗時殉難

忠魂有故里憑弔來吳橋
巫歌咽平楚落日風蕭蕭
當年起書生述職居選曹
手推賢士轂耆舊皆登朝
抗疏効逆閹氣攝不得驕
繼建中丞節復擁司馬旄
金甌卜何晚厄甚元黃交
崢嶸已已續解圍如解絛
發兵不奉詔勤王世所褒
天心厭明祚刻期覆廼巢
無由仗劒出

繞殿聞號咷妖星長屬地平則門漂搖羽林諸虎士鳥
獸紛騰逃龍髯鼎湖斷墮鳥空山高燎原猶可撲炎罔
應俱燒養癰勢已潰作砥根豈牢潼關實天險越戰禪
自招任將權勿屬汗馬皆徒勞沙蟲與猿鶴慘淡盈荒
郊何待三輔失始駭霓旌消銅駝臥荆棘羣象悲青袍
月照古井綆濕哭聲未遙翠華淮水句無跡尋僧寮惟
餘血食廟屋角撐林梢鬚眉今古在恍惚靈旂飄

新柳

驅車出南郭堤柳送行旌不見柔條綠安知春意迷
離如帶雨青淺未藏鶯應有桓宣武依依悵石城

大馮營

春草古城壕將軍此建旄營門餘斷碣樹影覆平皋
簞食孤臣績中興汗馬勞分明滹水月曾照漢弓刀

發家書因寄內子

此懷書不盡對紙轉茫然草草幾行墨何時到汝邊
應憐風雪苦莫數別離年耕饒春風好家山想薄田

寓樓遠眺

息肩聊嘯傲捲幔重勾留樹疊能遮郭雲輕不礙樓
遠人憐獨鳥春報類新秋明日垂鞭路楊花滿冀州

出居庸關

鎖鑰重門近北辰
長城蜿蜒石嶙峋
曾開力士身猶壯
似塞九泥跡尙新
千里鄉心歸鴈日
一鞭秋色出關人
黃沙磧外風如翦
誰寄寒衣到客身

題土木驛顯忠祠

闕豈能移萬乘權
諸臣灰劫豈徒然
來尋軍化蟲猿地
重慨岡焚玉石天
白骨幾人歸馬革
黃雲何處護龍旂
試看五國淒涼事
莫對穹廬怨也先

燕然山

浩浩洋河畔雲峯幾點蒼
馬蹄秋苜蓿碑版漢文章
大漠飛塵白長城落日黃
輸他寶車騎旌旆映山岡

李陵臺

荒臺一片望鄉情
塞草年年恨處生
爭似牧羊坡上路
巫簫羌鼓賽蘇卿

題良鄉旅舍

滿地榆錢莫療貧
垂楊難繫轉蓬身
離懷未飲常如醉
客邸無花不算春
欲語性情思骨肉
偶談山水悔風塵
謀生銷盡輪蹄鐵
輸與成都賣卜人

兒子廷珍以時文寄覽感吟二首

野外無田與子耕
草堂傳得讀書聲
廣陵調好何人識
莫授清商悞後生

當初題柱氣如虹四十春秋鬢已空老去望兒如望歲
不知何日報年豐

泊鷗山房集卷二十

會稽 陶元藻 鳧亭

詩六

過孤竹城謁夷齊廟

茅土何人錫興亡
宵晏然行歌採薇日
灑淚渡河年古
廟空原上荒城落日邊
油油禾黍地惆悵舊山川

送吳澄齋出宰長陽

世路崎嶇恨滿膺
忍揮老淚送行滕
倘逢甘語休傾蓋
莫道卑官忘履冰
黃葉聲催燕市酒
白蘋風颭楚江鏗
願君得意三湘路
常憶流離話博陵

留別陳句山太僕二首

六載長安問字還，行旌東指鑑湖灣。
敦槃忝附江黃後，文酒追隨李郭閒。
老驥有心偏伏櫪，閒雲無着且歸山。
獨憐慈母相逢日，依舊青衫照暮顏。

京華回首尚關情，草草歸人別太輕。
篋少黃金知骨在，峯多霽雪覺詩清。
原無江漢垂綸志，又傍雲山杖策行。
海內茫茫幾青眼，憐才畢竟憶先生。

留別梁山舟侍講二首

尺五雲霄未易攀，聊同倦鳥一思還。
棹回江色蒼茫裏，吟到梅花淺淡閒。
北海傾樽何日共，西園飛蓋幾人閒。

歸囊卻喜空如洗不裹紅塵到舊山

依舊青衫出郭門河橋無柳亦銷魂幾絲短髮梳將禿
一寸灰心撥尙溫文社交遊應我惜林塘風味與誰論
他年甯訪扁舟雪家近西陵水竹邨

贈書田叔之姑蘇

四明丹翠神仙樓甬東人物魚鱗稠吾宗豪傑樹文幟
筆刀橫截生蛟虬窺書禁殿事鉛槧官雲朝夕瞻螭頭
江南大吏重經濟驅策欲得名驂驅封章入奏詔曰可
臨軒目數誰爲尤男兒身已爲貧仕簪纓豈必登公侯
或如藍田崔縣尉老槐巨竹吟清秋或如豫州謝掌簿

彈箏作歌意氣道得尺則尺寸亦寸斗升薄俸寧辭羞
小鮮烹割聊爾爾終須列岳宣鴻猷我今伏櫪氣凋喪
影疑枯梗波沈浮送人作郡日昨事又聞去馬嘶蘆溝
姑蘇城下風景好挂帆恨不從君遊閭門楊柳青欲滴
杏花春雨啼乳鳩嵯峨虎阜醉吟處竹閒應識題名畱
太湖三萬六千頃洞庭隱現雙飛鷗三高祠前村店聚
酒香風遞沙棠舟文人作吏定不俗乘閒一訪湖山幽

歲暮書懷

冰合滹沱歲晏時塞鴻飛盡我歸遲自傷迂拙難逢世
忍著文章更課兒路到升沈交易見寒來深淺客先知

西山雪影高千丈莫遣風吹上鬢絲

于熙載移居

惟君卓犖才清詞勝於郢與我接屋居汲古共馳騁半
載歷冬春忘形破畦町微吟對紙窗青燐兩鐙影雷雨
怒喧厖階砌成溟滓瀟湘足底翻臨流想舴艋天漏瓦
亦穿仰棟疑坐井主人顧曰咨吾其苦浮梗周覽得三
楹遷喬在俄頃小奚歎詩囊長鬚舉茗鼎自挈沾澆書
渙渙不可整几與藤床歷落襍杯皿滿燈移家圖欲
繪無妙穎渾如食蔗竿漸次得佳境地拓數弓寬種植
時一省凌晨花氣幽入晚禽聲靜重插鄴侯籤列眉分

乙丙筆墨俱精良，屏簾亦雅令。
倘念舊比鄰，酒香還見請。

同邵主事齊然昆季飲吳光裕宅

藜杖棕鞋癩散身，藕花時節過南鄰。
醇醪醉飲周公瑾，幽谷招尋鄭子真。
竹木偏宜消暑處，鬚眉多是過江人。
畫圖秋翦吳淞好，相對虛堂水色新。

臘月五日酬于荀伯贈筆墨

蒲柳何當頌九如，松煙鼠穎忽投予。
年華老大謀生拙，翰首辛勤養志疎。
馬齒長君纔一日，銓窗底我共三餘。
案頭敢負精良具，借錄人間善本書。

壽平午邨先生

溽暑鬱旅齋吹塵熱風餉追思清潁遊扁舟月中放微
波蟹鱗鳴綠石藤花當過眼六七年野境頗神往今聞
午村丈懸帆入淮浪此中興不淺斯行亦復壯阮元瑜
之閒庾文康以上談笑卻熊羆捫蝨絕依傍半百歲崢
嶸一雙履空曠鬚眉飄若仙蒼蒼蒹葭望雲門舊家鄉
泉石秀殊狀巖千壑萬多心目更怡宕去去歸山陰松
菊固無恙烏篷泊柴門板橋歷秋漲細研銀絲鱸滿飲
梨花釀乾坤大葫蘆日月自消長摩挲老人星高揖謝
卿相八月幔亭筵笙歌引遐唱願識武夷君蘋末乘槎

訪

古槐行

馮十四鏡堂寓齋有老槐一本百餘年物也偶作長句以誌之

鬱鬱城南百年樹空中作聲溜風雨銅駝舊主失姓名
長與山陰客星住我攀此樹心茫然交柯接葉雲霞霽
熊羆倔強龍天矯中條大力撐青天兀昇不同凡種植
胡爲拳曲偃蹇茆堂偏蒼皮斑剝餘古色骨凝松栢符
貞堅合抱與成棟梁器蟠根千尺深重淵君不見一樹
宮槐未央碧春陰走馬蘭臺客羽林將校爭扶持恩露

沾濡去天尺又不見藍田丞屋槐兩行枝連巨竹森開
張吟翁相對歲月久循除水嚙根株僵在朝在邑等奇
拔人情好惡分低昂深山大澤幽遐地班匠冥按郢人
跂或登大廈或流畱難者自難易者易豈關長短失時
宜還悵榮枯有天意人生際會本何常老大輸他少年
利吁嗟乎馮君揮毫筆力扛龍文長安潦倒八九載淒
於病鶴支雞羣紙窗蓬壁木影下茶煙落落過夜分何
時射取蠻氍毹上質使予刮目看爾大樹馮將軍

九日偕同人登陶然亭

君不見西南培塿臨城壕荒亭結構坡陀牢胷中自有

奇倔峻嶒干仞氣何必登彼峨嵋太華高峯高崑臺對
踞獅與象又疑方壺員嶠流入西極去但剩蹢躅豐脊
雙神鰲賓從珠玑冠蓋盛平原狐兔紛騰逃霜天沈寥
木葉赭西山雲互盤銀絲邦畿浩浩民輻輳魚鱗塵舍
形周遭願分香稻紅秔六十穀易此亭前萑葦蘆荻茵
陳蒿膏腴斥鹵本無定挽回地利在我曹溝渠可洩淀
可瀦省卻輓輸百萬東南漕重陽佳節悵羈旅涼飈蕭
颯吹青袍未能免俗聊爾爾豈煩持酒兼持螯乘興而
來興盡返登高作賦誰詩豪登高作賦誰詩豪且喜放
開雙眼一空三萬六千場內諸塵器

食哈密瓜

龍蹄西韎羈羊髓北燉煌生脆凌萍實新寒奪蔗漿餐
餘唇破渴咀罷頰迴香好續伽藍記浮瓜賽洛陽

彭鏡瀾由蘇來杭

束髮事交遊湖海廣儔侶惟君肝膽明意氣兩相許木
末秋風高離別太匆遽長安敦槃中幾輩稱舊雨執手
意茫然情切轉無語同持一寸心何患千里阻喔喔荒
邨雞騎影板橋渡夕照江南山歸帆掠紅樹葑門滄浪
亭日涉亦成趣言溯錢塘潮近我故園處難伸地主情
彌擾思鄉緒嵯峨靈鷲峯晴翠滴官署西園認前遊草

木樨新故蟋蟀戀秋根
苔花石闌聚屈指數詩人
應念
關山旅

答張祖琦卽用來詩原韻

君家厄閏太艱奇
不作飛雄作伏雌
司馬未逢揚得意
陳平空想魏無知
十年蠹積杜門債
一寸心灰破壁思
腸斷青衫鄉祭酒
春來賦徧落花詩

上巳

迢遞衡門兩版柴
故鄉觴咏與誰偕
花光背我紅辭眼
樹色憐人綠到懷
車馬豈諳修禊事
湖山又負踏青鞋
何時披卻春衣去
重訪婁公舊酒牌

柬鄭蓀揆客濟南官署

紅蓮綠水好依憑，豈必西南始得朋。
嵐翠到窗華不注，雨花聯社佛圖澄。
空齋感舊詩消酒，寒夜論文雪濺鐙。
坐處應生書帶草，春來齊上碧階稜。

簡吳漱石

梅花扶雪駐林梢，幾輩潛夫載酒肴。
辭跡桑麻三畝宅，論心湖海十年交。
夢依江月爭瓜步，泉試松風憶虎跑。
高詠吳融舊題贈，白雲何處結詩巢。

送張西潭授衡州太守

荆南紫氣護張星，太守名標

御座屏拜表自陳黃石學種花曾賽碧雞靈天邊山郭
連雲夢雪下春帆過洞庭官閣高依衡嶽近支頤閒看
佛頭青

歲暮懷人四十二首

昔王漁洋由白門東下放舟四十里作歲暮懷
人七絕三十首施愚山歎爲捷才癸酉嘉平余
滯畱京邸回憶故園同學邈隔山河客中朋舊
又復相繼辭去晨星落落離索何如爰刻燭二
寸得懷人五絕若干首豈與放舟人較遲速論
不拙哉意念所及偶爾效顰倘漁洋有知應笑

斯人興復不淺也

魏中丞定國

丁年作霖雨白首辭旌旄臣心清似水風比廬山高

陳學士大瞻

時學士視學楚中

磊落建安才傾倒陳琳檄回首楚天帆荆門翠猶滴

顧司業棟高

桓榮真傑士稽古漢庭知一夜西風緊吳霜滿鬢絲

秦太守璜

攜來第二泉好就秦園酌雪裏山茶花風吹發紅萼

邵編修齊燾

嗟爾蘭臺客竟作林泉人聊持尙湖水痛洗長安塵

于明府梓

知我草堂文老眼誦鐙幔願拭無絃琴爲言廣陵散

李孝廉繩

生平數何奇簞瓢貧似洗新詩寄遠人語語黃初體

馬主簿蘇臣

卓犖異時趨談鋒撼堂戶茫茫湖海閒重見陳同甫

劉孝廉元衡

曾經牛渚磯同步藏雲寺寒月凍琉璃空中妙香至

張編修曾敞

言辭銅馬門暫息龍眠麓墓風飄蕭時尋父書讀

儲孝廉師賦

我畱春明市君馳洛陽道可憐儲光羲長吟嘆衰老

王茂才一峯

寒菜足兩畦茆堂啓十笏心鏡粹無稜一片蓉湖月

施郡丞國佐

回首幔亭峯竟作無家別腸斷白江州聲與琵琶咽

彭孝廉體謙

爲問江南人寒梅放苞未曳屐靈巖山雲端辨花氣

周進士日藻

櫻筍春盤會聯吟十載餘六安茶味好會念渴相如

于國學堯臣

豁達胷無機此口只宜酒愛爾白眉良鷗盟庶長久

吳明經在寬

氣誼如膠漆姻親是郊王誰同舵樓底蓴菜煮清湘

戴國學弈珮

衡茆戴達宅幾度城西行十里烏篷雪空江送櫓聲

張明經應會

歲歲冠諸生操刀亦何利願爾絕塵奔一縱風雲轡

孫廣文大夏

文詞鏗朗玉眉宇橫清秋耐盡寒飴味江東孫仲謀
來孝廉益清

長河疑匹練蘆荻復參差一棹扁舟去橙黃橘綠時
林茂才霖

尺幅白鰲綃畫出西陵樹落日海門山蒼蒼入煙霧
姚茂才大源

園林負郭西蘿帶垂古屋願與古人期心交淡於菊
王茂才普

狂飲如滿卮豪氣本無敵黃河遠上詞畫滿旗亭壁
俞明經永思

文戰嬾於蠶有絲不肖吐誰憐司馬遲緩打譙樓鼓

劉茂才鳴玉

盟手濯薔薇握管餘新態佳麗六朝篇依依瓣香在

周進士濱

如何熱中心偏居避喧地紅蓼白蘋洲茶檣自來去

夏進士甦

五斗未折腰歸心兀如醉溪流四壁聲人坐螺山翠

周學士長發

飛卿號八叉陳王擅七步未若軼倫髯觸手起雲霧

魯庶常曾煜

江東老庶常箋經三十載山齋枕萬松風疾濤聲碎
徐進士廷槐

逶迤墨汀路湖色生籬屏支頤小樓上續註南華經
張明經嗣益

鬢毛禿已盡文骨彌清寒世多箏笛耳流水何須彈
俞孝廉元茂

快園讀書處綠樹繞芳榭禽聲遠近聞春水生階下
王茂才畱燕

一拳煮藥鑪幾兩遊山屐學得衛夫人滿紙簪花格

陳宮詹浩

漢水浮荆楚滔滔走不平詩人陳伯玉橫槊武昌城

周編修煌

君家住西蜀爲我訪峨眉松月山門古伽藍今是誰

李處士方東

葫蘆挂杖頭賣盡韓康藥得得出函關秦雲繞行腳

吳別駕漱石

沽酒蕭娘店烹魚宋嫂家揚州二分月愁煞斷橋花

施國學安

樊榭別騷壇誰稱老桑苧欲剪西窗鐙相招竹田語

靈隱寺釋義果

雲林古道場松磴頗幽絕高懸講院鐙下照陰崖雪

杭流寺釋因才

不逢城市人漸接耕漁舍繭足寒山僧擔柴古原下

聖因寺釋明中

山門過客稀平湖漲煙靄小艇一僧歸吟聲月波外

楊允之管巽吉以齋中紫藤花盛開招飲賦此酬

之

歲逢作噩月在余藤花爛熳太史廬十笏蕭齋數弓地
香風拂拂生衣裾珠纓寶絡含婀娜錦綃步障縱橫鋪
盤根深厚侍御宅鉤連梯棧凌空虛亞字低牆隔左右

芳鄰寶樹雙清娛

爾四太史家與希園侍御爲鄰花過根在蔣君處而花則兩宅並茂

過

江人物楊與管皎皎玉樹臨風初羽陵縹緗恣披讀花

光晴照蠅頭書敦槃朋好時一醉柴桑處士招尋俱七

菹七醢婁護膳三升三雅蘭陵酷老拳作勢酒兵肅性

不善飲軍偏輸晉人况味猶可續清譚何必羅笙竽昔

我曾遊虎跑寺寒藤百丈龍盤紆看花獨坐夕陽下懸

崖謾謾松風踈星霜彈指十年事湖山鄉夢尋模糊長

安塵多花信少見花如見神仙姝徘徊竟夕不歸去那

知涼月生庭除會聞此花堪作餅堆盤甘美紅綾如主

人情長不厭客老饕意氣寧辭蠶酒酣耳熱狂末已攀

藤仰視心踟躕天矯具摩霄漢勢何爲屈折形難舒天
意旣容高位置忍同凡豔沈泥塗詩人劈紙煙雲驅繪
香繪色良非迂邨王二妙花中居蓬萊紫氣盈門閭

春雨

如酥春雨影廉纖輕受風斜撲帽檐山與詩情歸淡遠
室疑晨氣轉清嚴數叢蘭葉香消曉幾日苔花綠到簾
料得琉璃河畔水鴨頭新漲半篙添

過臥龍山弔文種

碧血埋何處魂遙恨未窮廿年扶主霸一劒滅臣忠烏
喙交誠悞黃金鑄亦空江邊偕伍相潮汐起悲風

少林寺

側聞中盤好挈榼投少林紆迴宮牆外肩輿裊追尋蘿

屏矗天半古篆嵌嵌峯貞觀舊踪在可望不可臨

蘿屏貞觀

遺跡俱在寺左

陰泉洩斷壁孤雲冒圓岑錯石無定相幽鳥多

遠音何年赤龍下挂影寒潭深松風動鱗甲幢剎生蕭

森

寺內有赤龍潭

僧廊靜如夜鐘魚兩沈沈浮嵐照巾幘勝坐

嵩山陰

清風臺

桃源何必悵迷津是處雲山用卽新一葉輕舸巖下過
寒花紅滴打魚人

送石湖先生之楚

浮梗飄蓬一創閒
門閭何計慰親顏
蒼黃張儉深藏壁
辛苦田文暗出關
徹舌辨餘三寸在
殘書劫剩半肩還
那堪同賦鴿原句
瘦影衝寒到舊山

問閒

問水尋山跡久虛
閒閒依舊類樵漁
病中懶對高齋客
老去慵看細字書
詩句投羅長慶上
風光駘蕩永和初
由他十丈紅塵濶
未礙吾廬號隱居

贈俞荊帆

常把吟囊挂舊鞍
鬚毛一半落長安
江帆細雨聞僧偈

津柳春風憶釣竿

荆帆與疊石寺濟上人渡江有一江
小雨共僧還句爲人傳誦又嘗客津

門查心穀
園林故云

老去談鋒更英爽貧來詩骨自清寒誰憐宣

武門前客猶有山陰陸務觀

東程魚門

大道局精華斯文發其鑰三唐人物遙騷雅誰寄託廣
陵世失傳學古僅糟粕謳謠襍無倫搖筆肆揮霍終身
霧市迷狂言不知忤安得大金鑊刮彼萬瞽膜天生我
輩來自愛豈宜薄頽浪鳴滔滔作砥費量度吟壇性靈
存千里通脈絡纏綿交有神迢遞夢成噩奈本嬾散人
不耕復不鑿汲井綆未修集游水易涸虛聲悞往年四

十猶落拓屢辱名流招致槃互酬酢種種鬢髮兀兀
齒牙弱旣無買山錢又乏駐顏藥髣髴打包僧燕趙遠
行腳侯門刺恥投長安米難索陟屺念衰親何堪久藜
藿忍對簞瓢空幾聞庚癸諾徘徊金馬門悵望石渠閣
消愁命杜康結社效顰洛每赴持螯會亦踐看花約剪
鐙鄭八家鄭中允虎文誦君驚人作如老蠅出波健勢善擎
攫信足張吾軍詎能受人縛堂堂壁壘雄欲敵步先卻
秋水蒹葭若相思楚天角昨歲修禊餘理棹淮陰郭經
過漂母祠空牆響竹籜指點千金亭寒煙生漠漠岫遠
淡如掃波明貼疑削舵樓燕語隨篷窗柳花掠行行數

里間風景頗不惡紅帘酒市招細雨春帆泊我來君出
遊彼此兩參錯渾疑訪戴遊舟返興亦格三十六鱗魚
何由慰寂寞雲樹江岸生明月屋梁落而所謂伊人關
河轉寥廓拍拍打窗風依依聚枝雀梅花伴詩情雪色
映簾箔縹緲鉢池山吟鐙隔林壑

長安旅舍值家兄菊坡初至二首

宣武門前十笏齋弟兄風雪遠遊懷寒山拾得應同住
佛粥燒殘品字柴

流水車輪滿巷馳飛塵如墨染吟髭此閒無復江南景
莫把梅花悞入詩

題深州旅舍

作客無違近離家愁更新洗經千里國竟度五年春親
髮不復黑征囊依舊貧瀟瀟博陵雨望望未歸人

寄周青崖

有酒不忍飲欲漉漂母墳有絲不忍著欲繡平原君冉
冉歲云晏落落行無羣我懷周伯仁村居得所欣坐依
竹閒石臥看溪上雲迴塘蔭紅樹鰣入清流分長安冬
十月風壯疑雷殷塵灰撲面起簌簌生齒齟抱拙苦不
隱稽古偏無勲廿載事行役栖栖勞其筋養母無甘脆
奔走嗟徒勤上書唐韓愈吹簫楚五員昔事今更難憂

來牖如焚明明故鄉月東出送夕曛寒宵枕味少蟋蟀
綠床聞衡河草堂路一尺青泥芹持之贈良友馨香自
細縕桑麻話田父誰笑曾無文回首心茫然胡勿早耕
耜

寓樓遠眺

潯水春初漲蕪亭綠又生馬蹄新麥繞雅背夕陽明作
賦輸王粲攜觴憶子荆興高樓望好閒倚隱囊清

春明話別詩爲書城十叔作

夏五垂楊綠有陰蘆溝橋畔惜分襟一官執掌風塵濶
千里河流保障深破浪早符生翼夢抱關豈是出山心

長松影裡藍田月應寄新詩到竹林

寄示于齊賢二首

齊魯重遊好風光似昔年傳詩趨鯉再問寢聽雞先梁
父雲中策沒陽雪下田真搜多勝地休飲杜康泉
爲客逢殘臘離居感暮雲我慚秦伏勝卿是漢終軍才
技須論斗光陰尙惜分下帷冬夜火應富五經文

東馮員外成修

江河走滔滔古道久陵替窮達分賢愚膠漆在勢利文
辭雖雕虫情性默相寄浮華汨本根高雅誰復繼馮君
飫道腴吐屬悉精詣筆力摩蒼旻如鶴九皋唳頽頽諸

先民含咀新妙諦良由甘苦深獨領脈絡細老眼神彌
清識見破凡例索余舊稿觀謬許絕塵翳泠然絃外音
思入秋毫際掩卷起長嘆功名胡未濟捫蝨談世情忘
形托真契述職稱曹郎薪米常告匱何況貧書生安能
裘不敝歲暮共挑鐙無臺債堪避飄蕭風雪窗相對幾
流涕憶辭宣武門新麥短於薺今來趙代疆荒荒黍盈
地蟬鳴高樹閒岸幘日色厲誰憐輪囷材作此蠅頭計
荒驛古邯鄲青山照行騎自笑夢中人黃梁熟猶未湖
海多交遊知心問有幾踽踽遠方情綢繆故人意輝輝
明月光藹藹幽蘭氣會面知有期山河尚迢遞

客窗岑寂與徐孝廉克家語西湖舊遊四首

鬢絲容易度年華，雁影追隨憶水涯。五韻詩牌同刻燭，

冷金箋賦繡毬花。

余與家兄菊坡寓湖上三載，備極吟咏，酬和之樂。

虎跑春水漲新晴，季重山齋活火生。羨卻江南老桑苧，焙茶香裡過清明。

菊花時節氣細縕，愛挈壺觴就白雲。煙草離離秋不斷，于家墳到岳家墳。

水竹山村隔市塵，尙書別業草廬春。計予行腳僧歸日，還借清風作主人。

過晚香亭懷韓魏公二首

相公遺跡賸三楹飛蓋賓朋醉綠醕滿逕斜陽秋瑟瑟
黃花依舊是熙寧

老圃秋容仔細看撒簾風節重朝端軍中若問調羹手
一范終須讓一韓

贈徐宗維二首

聞說麒麟頂曾摩寶誌禪才人誇蜀郡公子勝秦川志
勵趨庭日聲高作賦年清標凌玉樹裘馬照幽燕
詩是吾家事催成句未工秋深漳水北天濶馬陵東月
露生階白吟鐙隔樹紅由來李長吉驚嘆屬韓公

觀打冰詞

安羊城北河水冰狐狸欲登猶未登篙工舵師齊斬伐
堅城無隙誰能勝沙棠小舟作狡獪陂塘兩岸牽銀繩
千夫譟呼湊險上淋漓跌宕稱精能魚龍水戲進復退
弄潮神技傳廣陵如膽辟塵犀分水晶盤炯碎區溝塍
須臾冰牌疾走馬排山倒海聲厖騰大者數畝小尋丈
琉璃屏壞銀床崩峩舸大艚聞裂帛霜刀利割鋒稜稜
君不見江南澤腹寒不凝梅花浮片煙波澄至今臘月
如二月戎戎雪下多魚罾